



# Fréttabréf Naustaskóla

2. tölublað, 3. árgangur, 1. febrúar 2010

Ábyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

## Næsta skólaár

Nú förum við að byrja að hugsa um næsta skólaár. Vinna við skólalagatal er hafin og nú í febrúar fer fram innritun fyrir næsta vetur. Við gerum ráð fyrir að það fjölgi um a.m.k. 30 nemendur hjá okkur en það er afar mikilvægt að allir sem hyggjast innrita börn í skólann fyrir næsta vetur geri það nú í febrúar. Innritun verður nánar auglýst á vegum skóladeildar en nefna má að 16. febrúar nk. kl. 9-11 verður opið hús hjá okkur þar sem foreldrum býðst að koma og skoða aðstæður. Þá er fyrirhugaður sameiginlegur kynningarfundur allra skólanna í Lundarskóla 10. febrúar kl. 20:00

## Nýir starfsmenn

Á dögnum bættust tveir nýir starfsmenn í hópinn hjá okkur. Það eru þau Róbert Antonsson og Elva Rósa Helgadóttir en þau sinna bæði störfum skólalíða. Við bjóðum þau hjartanlega velkominn í hópinn!



## Kæra skólasamfélag

Febrúar heilsar og við höldum áfram að byggja upp og þróa starfið í skólanum okkar. Við erum auðvitað öll að læra saman og í stóru dráttunum gengur það afskaplega vel þó að sjálfsgöðu komi ýmislegt upp á þegar fast að 200 manns eru samankomnir í sama húsinu. Við erum smátt og smátt að prófa okkur áfram með starfshætti og vinnum í að þróa þá í samræmi við stefnu skólans. Sem dæmi má nefna að þessa dagana eru kennarar í 4.-7. bekk að hefjast handa við að hagnýta sér kennsluáferðina Orð af orði, en það er kennsluáferð sem Skólaþróunarsvið Háskólans á Akureyri hefur verið að þróa. Meginmarkmiðið er að auka skilning í lestri og námi með því að efla orðvitund og orðaforða, fella orðakennslu að hefðbundinni kennslu og gera að föstum lið í kennslu námsgreina. Lögð er áhersla á að vinna eftir tiltekinni hugmyndafræði en virkja kennara til að þróa sínar eigin aðferðir út frá henni. Ráðgjafi í verkefninu leggur til fræðslu og hugmyndir að verkefnum og fundar reglulega með kennurum. Lögð er áhersla á fjölbreytta kennslu og margbreytileg viðfangsefni af ýmsu tagi og í verkefninu er talsvert losað um námsbókarstýrða kennslu.

Við minnum á að um miðjan mánuðinn verður vetrarfrí, væntanlega kærkomið, og vonandi að sem flestir geti nýtt það til samveru fjölskyldunnar. Það er komin hefð á að skólarnir hér í bænum taki vetrarfrí samtímis dagana eftir öskudaginn ár hvert og er það nokkuð sem foreldrar ættu að geta stólað á í sínum áætlunum. Með von um dásamlegt líf í febrúar!

Ágúst Jakobsson

## "Forysta til náms í nýjum skóla"

Sl. haust fór af stað rannsóknar- og þróunarvinna í samvinnu Birnu Maríu Svanbjörnsdóttur, doktorsnema við Menntavísindasvið HÍ, og skólastjórnenda Naustaskóla. Rannsóknin mun standa yfir þriggja ára tímabil og miðar að því að rannsaka hvort ákveðin aðferð forystu stuðli að námssamfélagi, í hverju hún felist og hvernig megi standa að henni. Upplýsinga verður aflað með ýmsu móti, s.s. með viðtölum, vettvangsathugunum, leshringjum, samræðum og niðurstöðum námsárangurs nemenda. Unnið verður að stefnumótun, hugtök skilgreind, sett verða niður viðmið um árangur, þar sem m.a. verður stuðst við niðurstöður úr viðtölum og samræmdum prófum. Ekki verða á neinu stigi rannsóknarinnar einkunnir tengdar einstaklingum eða nafngreindar upplýsingar úr viðtölum. Rannsóknin gagnast skólanum m.a. á þann hátt að skólastjórnendur fá mikla endurgjöf frá rannsakanda, gagnlegar spurningar, upplýsingar og leiðbeiningar. **Þriðjudaginn 2. febrúar kl. 17:00-18:00 bjóðum við foreldrum að koma og kynna sér þetta verkefni.** Í framhaldinu mun Birna einnig leita til foreldra til að taka þátt í rýnihópum þar sem leitað verður viðhorfa um ýmislegt sem varðar skólastarfið. Þarna er því einnig vettvangur til að hafa áhrif á skólann og mótun hans.

## Tannverndarvika 1.-5. febrúar

Lýðheilsustöð stendur fyrir árlegri tannverndarviku 1. - 5. febrúar. Að þessu sinni er lögð áhersla á tannvernd barna. Rannsóknir staðfesta að nú er meira um tannskemmdir hjá börnum og ungmennum á Íslandi en áður. Þessar niðurstöður gefa tilefni til að efla þekkingu og vitund landsmanna á tannheilbrigði og góðum neysluneyjum. Til þess þurfa sem flestir að leggja málinu lið. Á slóðinni

<http://naustaskoli.is/static/files/frettaskrar/Tannburstun.pdf> má nálgast upplýsingar um tannburstun sem er auðvitað grundvallaratriði í tannvernd... gott að prenta út!

## I. bekkur á álfaslóðum

Krakkarnir í I. bekk hafa undanfarið verið að vinna verkefni sem fjalla um álfa og huldufólk. Um daginn brugðu þau sér í gönguferð og þá vildi hið ótrúlega til að þau fundu alklæðnað af álfi við stóran stein hér í hverfinu. Og ekki nóg með það heldur fengu þau líka bréf frá honum Fróða Naustálfi sem býr víst hérna í nágrenninu. Svona getur nú ýmislegt gerst í I. bekk! Á heimasíðunni má nálgast myndir frá starfinu í I. bekk og auðvitað mörgu öðru sem gerist í skólanum. <http://www.naustaskoli.is>



## Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

# Febrúar 2010

Sun	Mán	Þri	Mið	Fim	Fös	Lau
	1 Soðinn fiskur m/ kartöflum, rúgbrauði, smjörva og tómatsósu	2 Lasagna og salat <b>Kynningarfundur Birnu Svanbjörnsd. með foreldrum kl. 17-18.</b>	3 Steiktur fiskur m/ kartöflum, salati og sósu	4 Steik m/ steiktum kartöflum, grænmeti og salati	5 Grænmetissúpa, brauð og álegg	6
7	8 Soðinn fiskur m/ kartöflum, rófum og tómatsósu	9 Steiktur kjötbollur m/ kartöflum, rauðkáli og sósu	10 Steiktur fiskur m/ hrísgrjónum, karrý- sósu og salati	11 Saxbauti m/ kartöflumús, grænmeti og sósu	12 Skringilegur dagur (allir skringilegir :)	13
14	15 BOLLUDAGUR Steiktur fiskibollur m/ kartöflum og sósu	16 SPRENGIDAGUR Saltkjöt og baunir, túkall Opíð hús til kynningar kl. 9-11	17 ÖSKUDAGUR <b>Starfsdagur</b> - frí hjá nemendum en frístund opin Pylsupartý	18 VETRARFRÍ (Frístund opin) Broccolyfiskur m/ kartöflum, sósu og salati	19 VETRARFRÍ (Frístund opin) Makkarónusúpa, brauð og álegg	20
21 Konu- dagurinn	22 Soðinn fiskur m/ kartöflum, rúgbrauði og smjörva	23 Slátur m/ kartöflum, jafningi og rófum	24 Steiktur fiskur m/ kartöflum, sósu og salati	25 Kjúklingur m/ hrísgrjónum, salati og sósu	26 Hrísgrjónagrauttur, brauð og álegg	27
28	1. mars Soðinn fiskur m/ kartöflum, agúrku, tómötum og feiti	2. mars Hakk og spaghetti, salat.	3. mars Plokkfiskur m/ kartöflum, rúgbrauði og smjörva	4. mars Gullash m/ kartöflumús og grænmeti <b>ÁRSHÁTÍÐ !!</b> Nánar auglýst síðar	5. mars Grænmetissúpa, brauð og álegg	6. mars



## Munið vetrarfrið 17.-21. febrúar

### Góða skemmtun!

